

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
KANTONALNO TUŽILAŠTVO-TUŽITELJSTVO  
ZENIČKO-DOBOJSKOG KANTONA  
Z E N I C A  
BROJ: T04 0 KT 0050570 22  
Zenica, 14.04.2023. godine

OPĆINSKI SUD U VISOKOM  
- Sudiji za prethodno saslušanje -  
VISOKO

Na osnovu člana 45 stav 2 tačka i) u vezi sa članom 241 stav 1 Zakona o krivičnom postupku F BiH, p o d i ž e m o

**O P T U Ž N I C U**

Protiv:

1. **GANIĆ HASANA**, 2000. Godište, rođen u Sarajevu,
2. **GANIĆ BEKIRA**, 1988. Godište, rođen u Visokom, osuđivan
3. **GANIĆ SMAILA**, 1956. Godište, rođen u Kaknju, neosuđivan,

što su:

**I - GANIĆ HASAN, GANIĆ BEKIR i GANIĆ SMAIL, skupa**

dana 09.10.2022. godine, oko 13,00 sati, u mjestu Gornja Zimča, grad Visoko, zajednički i dogovorno, u sastavu grupe ljudi, dok su se lokalnim putem pored njihove kuće na traktoru kretali Č. M., Č.M. i K. A., zbog ranijih nesuglasica sa Č. M. i Č. M., Ganić Smail prvi izašao na put noseći u ruci željeznu šipku kako bi presreo njihov traktor, a potom, kada ga je zaustavio, iznenada i neočekivano, bez ikakvog povoda i razloga, šipkom udario Č.M. u predjelu desne ruke i desne noge, nakon čega su do njega dotrčali njegovi sinovi Ganić Hasan, držeći sjekiru u ruci i Ganić Bekir, držeći u ruci metalnu cijev, i pri tome sva trojica počeli psovati i prijetiti M., M. i A., nakon čega je Ganić Hasan bacio sjekiru prema M. koja ga je pogodila u koljeno, da bi potom, na M. fizički nasrnuo i Ganić Bekir kada ga je pokušao udariti metalnom cijevi u čemu nije uspio jer se M. izmakao, nakon čega se Ganić Hasan trčećim korakom vratio u kuću i iz iste iznio jednu ručnu bombu a potom u povratku zatražio od Smaila i Bekira da se odmaknu kako bi bacio bombu, zaprijetivši istovremeno M. i M. da će ih sa njom ubiti, a potom, u namjeri da ošteti M. traktor, sa sjekirom počeo udarati po motoru traktora, nakon čega je uzeo motornu pilu i sa njom kao i sa sjekirom koju su iznjeli iz kuće isjekao svih šest guma na traktoru i njegovoj prikolici, zbog čega su se A. i M. dali u bijeg, strahujući za svoj život, dok je M. ostao na traktoru, da bi potom Hasan nastavio prijetiti M. da će mu silovati curicu, bacivši pri tome prema njemu i sjekiru koja ga nije pogodila a zatim i lopatu prema K. A. koja ga je pogodila u desnu ruku, svjesni da ovakvim nasiljem prema njima ugrožavaju građanski mir, što su i htjeli,

**II - GANIĆ HASAN, sam**

dana 10.10.2022. godine, dok se nalazio u Policijskoj stanici Visoko, radi ispitivanja u svojstvu osumnjičenog zbog izvršenja krivičnog djela opisanog pod tačkom I, u prisustvu policijskih službenika K. I. i S. A., ugrozio sigurnost oštećenog Č. M. i njegove kćerke, ozbiljnom prijetnjom da će napasti na njihov život i tijelo, na način da je pred njima u više navrata ponovio da će M. ubiti a da će mu silovati kćerku, svjestan da na taj način ugrožava njihovu sigurnost, što je i htio, koje prijetnje su kod Č. M. izazvale osjećaj straha i uznemirenosti kada je za njih čuo,

čime su počinili:

1. Ganić Smail i Ganić Bekir, krivično djelo Nasilničko ponašanje iz člana 362. stav 2 u vezi stava 1 i člana 31. KZ F BiH,
2. Ganić Hasan, krivično djelo Nasilničko ponašanje iz člana 362 stav 2 u vezi stava 1 i člana 31 KZ F BiH u sticaju sa krivičnim djelima Oštećenje tuđe stvari iz člana 293 stav 1 i Ugrožavanje sigurnosti iz člana 183 stav 1 u vezi člana 54 istog zakona.